

SERENISSIMO
HETRVRIÆ PRINCIPI
FERDINANDO

SVAS EX PHILOSOPHIA THESES

PUBLICO CERTAMINI PROPOSITAS

JOANNES FRANCISCUS FERDINANDUS PAUR FLOR.

IN FLORENTINO SCHOLARUM PIARUM COLLEGIO

EJUSDEM FACULTATIS AUDITOR

ÆTERNUM OBSERVANTIÆ MONUMENTUM

D. D. D.



FLORENTIÆ, MDCXCVI.

Ex Typographia Petri Matini, sub Signo Leonis Aurei.
SUPERIORUM PERMISSU.

SEPTENISI MO
 HETRVRIE PRINCIP
 FERDINANDO

SVAS EX PHILOSOPHIA THESES

IN PUBLICO CERTAMINI PROPOSITAS
 JOHANNES FRANKIGIUS FERDINANDUS FILIUS P. D. R.
 IN FLORENTINO SCHOLASTICO PRAECEPTO
 ET PRIMARIO ORATORIO PRAECEPTO
 D. D. D.



FLORENTINAE MEDICAE

IN THEATRO FLORENTINO
 SUB AUSTRIACO REGIMINE



Nicola Cassana Pin.

Ant. Taddei scul.





SEREN. PRINCEPS.



Ecum officijs, non argumentis certatura se Tibi sistit Philosophia, SERENISSIME PRINCEPS. Agnoscit illa quid Coronato debeat Philosopho, qui Coronam illi præcinxit, cum magno capite regnaturam excepit: quid autem rependat non suppetit, nisi se Tibi totam oppignoret. Vicem referre sperabat, si, quem Principem adiret, sapientem posset efficere; sed votum deterruit inspecta primùm erudite ad miraculum mentis ampliatio. Elinguis obstupuit arguendi magistra, eum admirata Principem, cui Sceptrum Caduceum, corona laurus, Regnum esset Academia. Novum inter homines portentum quis non suspiciat, terrestre natum ad Imperium Regale caput à Cœlesti dominandi ratione tyrocinium auspicari? quod enim Cœlesti magis Imperium, quàm sui se Regem esse, ac in lubrico sensus, animique Solio eas sibi leges firmare, quas colentis exemplum magis, quàm ferentis auctoritas populis imitandas educat. Hoc illud est, quod in Te una Philosophia miratur; ut perfectus intra Te Regnator illinc incipias, ubi consummatissimi desinunt, ut altissimum Sapientia culmen natura teneas, quod alijs laboriosa desudat exercitatio, ut quem Principibus communem fortuna locum imperitur, proprium Tua Tibi merita discernant, ut ipsa denique Principatus ornamenta Virtutis insignia Tibi præfulgeant. Quid enim Regius Aula Tua splendor, nisi prælucentes ad Minervæ portum facies? quid ararj Tui tam liberaliter patens opulentia, nisi aurei fontes ad palmas, ad laurus irrigui? quid Sceptrum ipsum, quid Corona decorandum olim fronte, dextraque Tua decus, nisi Cassis, & Hasta munienda per Te Palladii destinata? Ita nimirum quidquid, & quantus es, totus Virtuti præmium pases. Sed una sibi præmium Virtus, illi præinde in Te, vel in illa Tibi consequendum. Tantum at illa meritum prævertit, ut in Te suum testaretur. Ex quo se Tibi totam infudit, sua Tecum omnia communicavit: Cœlum imprimis, debitum serenissimo Soli domicilium. In eo quippe consultissimus Astronomus ita mente dominaris, ut non astrorum motus intelligere,

sed Intelligentia morum videaris. Illic Avita Maiorum Sydera dignitate,
 quam loco propinquior intueris, eorum aliquando numerum, ac lucem aucturus.
 Illic impendentia mortalibus Fata scrutaris, at Tibi, Regnoque Tuo meliora
 concilies. Nec minori liberalitate totum illa Tibi terrarum Orbem Geographo
 peritissimo subicis, dignum professa, qui unus regeres Universum, cui totum
 prae manibus obulit; nec impar à Te illa tulit argumentum. Ea facilitate
 posse Te regere terras ostendis, qua radio describis; Et si gloria Tua in-
 vidit fortuna, merita non detrahit, nam Et Sapienti meruisse gloriosus, quam
 retulisse. Dignitatem Tuam Tellus ipsa sentire videtur, quae quot in ea
 Provincias, quot Regna manu designas, oculo percurris, tot propemodum
 votis unum Te Regem, unum Te Dominum implorat: Sed Tua reclamant
 Hetruria, quae dum eo Principe fruitur, quem Rectorem Orbis suspirat, Orbi
 quodnammodo parem se iactat. Quid, quod abditissima natura penetrabilia, quae
 funditus illa Tibi reservavit, ipse ingenij Tui opibilibus cumulasti. Mathemati-
 cas illa proposuit, novae Tu figurae addidisti, Quaeque in Adolescente Vi-
 rum, stantem per Te voluptatis in plano Fastuosa Sphaera, Geometriam,
 Et Staticam explicavit, inde Tu Regno metrum, Et moribus gravitatem.
 Tuus comparasti Arcanos denique Physicorum labyrinthos obicis, Tu novam
 per illos veritatem quam ad exitum aperuisti. Unum restabat, in quo Sapien-
 tia Te sui simillimum optaret, soli ne sapes Tibi. Optantem superavit Au-
 gustus Genij Tui munificentia, cum se ipsam vix capere, publico se bono
 largitus effudit. Vix patet Orbi **FERDINANDUS** Academia, nre
NOBILITUM nuncupata, quae nihil, praeter Nobilissimam Auctoris ideam spi-
 rat. Huc lectissimi quosque ex Europa Principes accedunt, ubi Te semel con-
 ceperunt exemplar, Regales induunt animos ad Imperij gubernacula formati,
 si fortuna vocaret. Ite, quod fata extra meritum dederunt, Tua Tibi Virtus
 ultra votum cumulavit, ut Et Regum conditor es; ac tot in animis regna-
 res, quot ad Regnum formasses. Quid igitur mireris **SERENISSIME**
PRINCEPS, si tantam in Te verita Mueitatem, ac Sapientiae celsitudi-
 nem, tuide nostra se Tibi sifteret Philosophia. Pudebat illam immenso lite-
 rarum Oceano tam dispar afferro tributum. Respiravit tamen, cum ex hilari
 Tua frontis serenitate deprehendit, Te suum hoc quaecunque munus Tuo
 de pelago rivulum agnoscere. Si quid ergo est in eo nostrum, non Te ladat,
 dissimula, quidquid est Tui, perhumaniter, ut Tua certe meretur amplectere.
 Ac si Patrem meum Tua pro viribus in Academia laborantem singulari gratia
 prosequeris, filium quoque in Cathedra pro Tua gloria pugnantem ne deseras.

SERENISSIMAE CELSITUDINIS Tuae

Humillimus, Obsequensiss, Addictiss, Fam. ac Serv.
 Io: Franciscus Ferdinandus Paur.



DIALECTICÆ PROEMIALIA.

I Logica acquisita, quæ naturalem supponit, Obiectum habet materiale res cognitæ, formale verò Ens rationis trium mentis operationum directivum. Nec propterea tamen illa scientia rationis, sed omninò realis, non partim quidem speculativa, partim practica, aut eminenter simul utrumque, sed tota simpliciter speculativa, eodemque modo ad alias scientias in statu perfecto ita necessaria, ut earum demonstrationes, & quantum ad formam syllogisticam effectivè, & quantum ad assensus scientificos directivè ab illa dependant. In Utentem verò, Docentemque divisa, non duos habitus realiter distinctos, sed eiusdem habitus duo munera partitur; adedque non suorum modo præceptorum usus in materia topica, & sophistica ad illam propriissimè spectat. Verùm etiam in materia demonstrativa (saltem logica) utens illa potest appellari.

UNIVERSALIA.

II. Natura à parte rei fundamentaliter, per intellectum formaliter universalis, sit metaphysicè talis per abstractionem intellectus agentis, logicè verò per comparisonem simplicem; idedque rectè definitur unum aptum inesse multis, & prædicari de illis, quomobrem universale in communi Genus est ad quinque inferiora, in quæ meritò dividitur, quæque sequuntur universalia.

III. Genus unum aptum inesse multis, & prædicari de illis in quid incompletè, in sui definitione formam Genericitatis in recto, naturam verò genericam in obliquo importat, ac de specie, ut totum potentiale prædicatur.

IV. Differentia unum aptum inesse multis, & prædicari de illis in quale quid incompletè, congruenter in supremam, infimam, & mediam divisa, (sicut Genus, & Species) constituitur universalis per respectum non ad Speciem, sed ad individua Speciei.

V. Genus, & Differentia sumuntur proximè à tota rei entitate, Genus quidem secundum potentiale, differentia verò secundum actuale rei; & hæc eadem in spiritualibus conceptus Generici, ac Differentialis origo. In materialibus

rialibus autem Genus radicaliter à materia, differentia à forma deducitur; At in Accidentibus illud ex modo efficiendi substantiam, hæc ex habitudine ad propria cuiuslibet Accidentis principia dimanant.

VI. Species unum aptum inesse multis numero differentibus, & prædicari de illis in quid completè non per respectum subiacibilitatis ad Genus, sed superioritatis ad individua formaliter universalis, ita salvatur in unico individuo (quanquam in unica specie salvari non possit Genus) ut uno posito, cæteris etiam impossibilibus fieri valeat universalis, quod quidem de natura Angelica potissimum affirmamus.

VII. Individuum duplex, alterum vagum, quod ultimò speciei subijcitur, individualitatem ipsam, & nomen comprehendens; alterum signatum, quod de uno tantum prædicatur, naturam solummodò individualitate affecta significans.

VIII. Proprium quarto modo unum prædicabile de multis in quale necessario constituitur formaliter universale per respectum ad inferiora Speciei, sicut & Accidens unum prædicabile de multis in quale contingenter, quod potest adesse, & abesse tam physice, quam logicè salva rei essentia.

IX. Duplex Universalium proprietates: Altera Perpetuitas, qua naturæ universales, licet ab æterno non existant, sunt tamen extra Deum non positive, sed negative perpetuæ. Quare propositiones in materia necessaria (non verò contingente) sunt æternæ veritatis; Altera Prædicabilitas, qua Genus, & Species in substantijs (sicut Differentia, Proprium, & Accidens) de suis inferioribus prædicari debent in concreto, in Accidentibus autem in abstracto. Natura quoque in actuali prædicatione retinet universalitatem.

PRÆDICAMENTA.

X. **A**dmittis, quæ circumferuntur, Antepredicamentis, adiectisque rei prædicamentali conditionibus quinque, ut sit Ens reale, per se unum, completum, finitum, & Genus, vel Species, ipsum Ens in decem Suprema genera, sive Prædicamenta infra numerata dividimus.

XI. Substantia ens per se subsistens; per hoc essentialiter constituta, non quod accidentibus subiet, aut esse in alio neget, sed quod per se subsistat, in Primam, & Secundam, non tanquam in membra realiter distincta, sed tanquam in diversos status dividitur. Quæ licet substantias omnes creatas, Cælos, Angelos, & Christum ipsum in sui prædicamento comprehendat, Deum tamen excludit. Et Prima quidem quinque gaudet proprietatibus, non enim subiecto inhæret, nec habet contrarium, licet sit contrariorum subiectum, nec suscipit magis, & minus, & est hoc aliquid. Secunda verò unicam agnoscit, univocè de inferioribus prædicari.

XII. Quantitas prædicamentalis realiter à substantia distincta, Accidens extensivum substantiæ in partes integrantes, cuius essentialiter constitutivum extensio partium in se ipsis, rectè in Permanentem, & Successivam dividitur. Permanentis alia Continua, quæ lineam, superficiem simplicem, & corpus amplectitur; alia Discreta, numerus nempe quantitativus, quem veram, & propriam quantitatis speciem asserimus. Successiva, Tempus, Motum, & Orationem improprias quantitatis species includit. Locum autem in ratione quan-

quantitatis à superficie non distinguimus. Eius denique proprietates physice quatuor, Extensio localis, Impenetrabilitas, Mensurabilitas, ac Divisibilitas: Attributales verò tres non habere contrarium propriè dictum, non suscipere magis, ac minus, & res æquales, aut inæquales denominare.

XIII. Qualitas ex Philosopho Accidens, secundùm quod dicitur qualis, clariùs ex Angelico, Accidens dispositivum substantiæ in se ipsa, quatuor veluti paria subdividit; quorum primum Habitus, & Dispositio, utrumque qualitas determinans subiectum, ut benè, vel malè se habeat, ille ex natura sua difficilè, hæc facilè mobilis à subiecto; ambo propterea ex principiis essentialiter diversis specie diversa, & in Eñtativum, ac Operativum uterque divisus, Secundum Potentia, & Impotentia qualitas ad agendum, vel resistendum subiectum disponens, non duplicem tamen speciem, sed duos eiusdem speciei status propriè constituens. Tertium Passio, & Passibilis qualitas alterationem sensibilem causans, vel ab illa causata; Quartum Forma, & Figura, qualitas ex dispositione partium quantitatis resultans. Cuius denique tres in communi Proprietates, habere contrarium, suscipere magis, & minus (paucis exceptis) & similitudinem, dissimilitudinemque fundare.

XIV. Relatio prædicamentalis, reale nimirùm Accidens, cuius totum esse est ad illud se habere, realiter à fundamento distincta, in Mutuam, & non Mutuam dividitur: Et sanè Mutua tam Equiparantiæ, quàm Disquiparantiæ, alia in Convenientia, & Disconvenientia, alia in Actione, & Passione; Non Mutua verò in mensura, & mensurabili fundatur. Utraque tamen ad aliquid relativum terminatur, Mutua quidem intrinsecè, & subiectivè, non Mutua extrinsecè tantùm, & terminativè. Earumque unitas specifica à fundamento simul, ac termino, diversitas autem ex alterutrius diversitate desumitur, quemadmodùm, & unitas Numerica ex unitate Numerica subiecti deducitur. Proprietates denique communes quinque: Non habere contrarium propriè dictum, Non suscipere per se magis, ac minus, sed invicem converti, & simul esse natura, & cognitione; Ex quibus tres ultimæ propriè Mutuas, impropriè non Mutuas convenire videntur.

XV. Actio Prædicamentalis rectè definita Actus secundus potentiæ activæ, sive Accidens, quo causa constituitur actu causans, in Immanentem, & Transeuntem ita dividitur, ut æquè ad Prædicamentum Actionis utraque pertineat. Passio quoque bene definitur Actus secundus potentiæ passivæ, aut Accidens, per quod subiectum constituitur actu recipiens effectum.

XVI. Ex quadruplici Ubi, Divino, Spirituali, Sacramentali, & Circumscriptivo, ultimum tantùm in Prædicamento ponitur; Estque Accidens resultans in Corpore ex circumscriptione loci ambientis, cuius species fursùm, deorsum, &c. non secundùm particularia corpora, sed ex respectu ad centrum, Polos, & circumferentiam Orbis attenduntur. Situs autem Accidens est corporis partes in loco disponens, rectè in Naturalem, & Innaturalem divisus.

XVII. Quando demùm Accidens in rebus resultans ex eo, quod sint in tempore, tanquam ab eo dependentes, & mensuratæ, cuius totidem species, quot interrogationi quando? respondent, Angelicum à suo Prædicamento excludit. Habitus autem Accidens est in rebus ex circumpositione vestium, aut Armorum resultans, cuius fundamenta specifica vestes, & Arma, illæ

Hominum; & pecudum, hæc Offensiva, & Defensiva in varias utrinque species divisa.

XVIII. Prædicamenta, modi scilicet Prædicamenta consequentes, quinque. 1. Oppositio, rerum inter se repugnantis, quadruplex; Relativa, Contraria, Privativa, Contradictoria cæterarum causa. 2. Prioritas, modus, quo unum aliud præcedit; Aristoteli quintuplex, Temporis, Consequentis, Dignitatis, Ordinis, & naturæ, vel in quo, vel à quo; quibus ex Di. Th. sextam adnectimus Prioritatem Generationis Prioritati Perfectionis oppositam. 3. Simultas totiplex, quotuplex Aristotelica Prioritas. 4. Motus, via, seu tendentia ad terminum, cuius est fieri, sextuplex, Generatio; Motus localis, Corruptio, Alteratio, augmentatio, ac Diminutio. 5. Habere modus, quo una res dicitur ab alia haberi, quintupliciter, per Inherrentiam, Continentiam, Possessionem, Relationem, & Juxtapositionem.

PROPOSITIO.

XIX. **M**entalis est simplex qualitas, sive unicus conceptus unionem Prædicati cum subiecto representans. Contradictoriarum de Futuro contingente ante decretum Dei neutra est determinatè vera, vel falsa, quemadmodum & contradictoriæ de Futuro conditionato, nisi quatenus involvunt, aut supponunt decretum.

ARGUMENTATIO.

XX. **O**Ratio, in qua unum ex alio inferitur, in quatuor species dividitur, in Syllogismum, & Inductionem perfectas, in Enthymemam, & exemplum imperfectas.

Syllogismus ratione materiæ triplex, Demonstrativus, qui propositionibus necessariis, & evidentè veris, Opinativus, qui probabilibus, Sophisticus, qui falsis, apparenter tamen veris constat; ut primus scientiam, secundus opinionem, tertius errorem ingeneret.

XXI. Demonstratio, Syllogismus necessarijs, veris, & evidentibus constans propositionibus, quadruplex, Propterquid, & Quia, à Priori, & à Posteriori, duas habet proprietates; & quod effectivè scientiam producat, ita ut assensus præmissarum efficienter causet assensum Conclusionis; & quod Intellectum ad eiusdem Conclusionis assensum ita necessitet, ut posito præmissarum assensu, nullo modo dissentire possit conclusioni.



OCTO PHYSICORVM LIBRI

I. **P**hyfica una in specie athoma scientia simpliciter speculati-
va, licet Obiectum habeat indiscriminatim tam Corpus,
quam Ens, vel Substantiam mobilem, aut Naturalem,
illud tamen per Ens mobile congruentius exprimitur.

II. **E**xistis autem Mobilis principia, non numeri Phytagorici,
aut substantia Parmenidis, & Melissi essentialiter uniformis,
apparenter diversa, non Aqua Thaletis, aut Aer Diogenis, non Ignis He-
racleti, aut quatuor Empedoclis Elementa, non Panpermix Anaxagoræ,
particulæ, quæ nunc prædeundo, nunc latendo rerum diversitatem efficiant,
aut Democriti, Leucippi, & Epicuri corpuscula, siue Athomi cum suis af-
fectionibus, figura .v. ordine, situ, magnitudine, motu, & quiete: sed ea
sunt, quæ neque ex alijs, neque ex alterutris, sed ex ipsis omnia (naturalia)
sunt; tria .s. in fieri, Materia, Forma, & Privatio, duo in facto esse, Ma-
teria, & Forma, ex quibus Forma, & Privatio dicuntur prima contraria,
non formaliter, sed impossibilitè, vel etiam radicaliter, quatenus Forma
in uno subiecto, & eius Privatio in alio sunt radices qualitatum positivè
contrariarum; Materia verò, & Forma ad summum relativè.

III. Materia Primum Subiectum uniuscuiusque, ex quo fit aliquid primò,
& non secundum Accidens, est ita pura potentia, ut nullum includat actum
entitativum, nullam, nisi negativam dicat unitatem specificam, nullam ha-
beat ex se propriam existentiam, nec sine Forma possit, etiam divinitus,
existere; & quanquam per se ingenerabilis, & incorruptibilis, est tamen
prima radix corruptionis; hinc innato quodam appetitu omnes respicit For-
mas, quas non habet appetitu tendentis, quas habet, complacentis, quas
habuit, capacitatis: Unde probabilius est, tam Cœlestem, quam Subluna-
rem eiusdem esse rationis.

IV. Forma substantialis actus primus materię, duplex est, alia purè ma-
terialis, quæ de potentia materię in rebus genitis simpliciter educitur, in-
creatis autem concreatur, eamque proinde extra subiectum existere absolute
repugnat; alia spiritualis ut quod, quæ sicut à materia, nec in fieri, nec in
esse, nisi quantum ad unionem dependet, ita & sine illa naturaliter existere
potest. Plures autem eandem informare materiam, aut plures ab una ma-
teria actuari, contradictionem involvit. Forma verò Accidentaliter actus se-
cundarius subiecti, si fuerit illi connaturalis, & propria in eodem instanti,
ac per eandem actionem totius productivam educitur de potentia subiecti;
at Communis, & contingens, licet fiat per educationem à subiecto, non ta-
men fit necessariò per eandem actionem, nec in eodem instanti cum toto,
sed ad summum contingenter.

V. Compositum substantiale Materia, & Forma, tanquam partibus essen-
tialibus, ita coalescit, ut in actu unionis, nec istæ per aliquid intrinsecum
à se formaliter distinctum, sed immediatè per proprias entitates, ut actus,
& potentia, consocientur, nec illud à partibus unitis, tertia velut entitas,
distingatur.

VI. Na-

VI. Natura, Principium motus, & quietis eius, in quo est primò, & per se, rectè dividitur in Materiam, & Formam, unde Anima Rationalis, quæ talis in rigore, Compositum verò, sicut & Cælum nonnisi lato modo, Deus autem, & Angeli nullatenus naturæ rationem participant. Hostis autem Naturæ Violentia, Principium motus ab extrinseco, passio non conferente vim, eos minime motus comprehendit, qui ab Agente superiori, Angelo, Cælis, Elementis, inferiori naturæ ad commune beneficium imprimuntur, multoque minus, qui ab ipso naturæ Conditor Deo, tanquam ab universali motore proficiuntur; Quem tamen, si ut Agens particulare velit agere, violentiam inferre posse non negamus. Ars denique Naturæ imitatrix, recta ratio factibilium, & Artificiale, cuius principium est extra, in ratione s. practica Materiam disponente, etsi Naturæ motus iuvare, & plura possint opera præstare, applicando actiua passivis, nequeunt tamen, aut illius primum esse principium, aut hæc omnia, præsertim aurum efficere, quia virtutes effrictices, non omnes Arti subduntur.

VII. Causa Principium, ex quo per physicam dependentiam sequitur esse alterius, Quadruplex notissima, sic ad effectus suos comparatur, ut omnes quidem in ratione formali causæ sint illis natura priores, Materialis autem, & Formalis ignobiliores, Efficiens verò principalis, vel nobilior, vel æque nobilis, Finalis denique primaria in Agentibus bene ordinatis perfectior, in deordinatis quandoque imperfectior. At secundum causalitatem ita disponuntur, ut Materialis quidem Formalem ordine, sed hæc illam dignitate præcedat, Efficiens utrique, Finalis omnibus & ordine, & nobilitate præferatur; Et binæ sibi invicem sint causæ, Materia v. & Forma, Efficiens, & Finalis.

VIII. Materia, & Forma non per intrinsecam formalitatem à se distinctam, sed per propriam entitatem in ratione causæ constitutæ duas adhuc ad causandum conditiones expectant, influxum s. Efficientis formam applicantis, & dispositiones tum prævias, tum concomitantes, quibus habitis ultimus illis, adæquatque respondet effectus Totum Compositum. Ideæ verò Forma extrinseca, ex cuius imitatione Artifex operatur Agentibus tantum intellectualibus simpliciter necessaria, propriæ quidem ad causam Formalem, nonnihil tamen ad Efficientem etiam, & Finale spectat.

IX. Causa Efficiens, Principium, à quo primò profluit motus, iuxta notam divisionem undecuplex, causalitatem suam; ipsum agere melius, quam actionem agnoscens, per illam indiscriminatum, & essentiali, & emanantes inde proprietates producit, necessaria sibi ad agendum instrumenta, cum nulla in creatis substantia sit immediatè operativa. Ipsum autem instrumentum causa alterius virtute agens, duplicem exigit influxum, & Principalis, ut ad eius effectum elevetur, & Proprium, ut ex se ipso subum attingat.

X. Finis, cuius gratia aliquid fit, realis, ac verissima causa, solo sui amore causalitatem exercet; proindeque sola bonitas vera, vel apparens (malum verò, quia tale, nunquam) est ratio formalis movendi ad finem in actu primo: Eius autem apprehensio conditio tantum, & applicatio. Quare, cum omnia bonum naturaliter appetant, omnia pariter propter finem agunt, Insensitiva quidem executivè, Bruta insuper apprehensivè, Rationalia tandem etiam directivè.

XI. *Æquè repugnat plures causas totales eiusdem ordinis eundem numero effectum producere, ac productum ab una, quacunque illa sit, potuisse ab alia produci.*

XII. *Fortuna, & Casus, causæ per accidens effectum præter intentionem agentis obrudentes, in eo distinguuntur, quod Illa locum in Liberis, excepto Deo, Hic in Naturalibus sibi vindicet. Fatum etiam Catholico sensu explicatum pro inevitabili Divinæ Providentiæ decreto circa futura contingentia non solum admittendum, sed & Cælorum influxibus, & præordinatæ causarum dispositioni est accommodandum.*

XIII. *Motus, actus Entis in potentia, quatenus in potentia, in Mobili, non in medio subiectatus, & ad tria tantum Prædicamenta, Quantitatem, Qualitatem, & Ubi possibilis, quemadmodum unitatem, & distinctionem, live genericam, five specificam à termino ad Quem (à quo modaliter distinguitur) & numericam ex unitate subiecti, termini, ac temporis sortitur, ita contrarietatem ex terminorum oppositione desumit; Quamobrem idem Mobile contrarijs quidem motibus secundum diversas, eadem tamen in parte non nisi per accidens localiter moveri potest. At in puncto Reflexionis brevissima illi quies necessaria. Motus autem indivisæ comites, Actio, & Passio, modaliter tantum ab eo distinctæ, hæc ab Agente, in quo subiectatur, egressum, illa in Passio, quod afficit, receptionem designat; Eius demum conditiones dux, ut omne, quod movetur, ab alio moveatur, & præsentia motoris ad Mobile, ne detur actio in distans.*

XIV. *Infinitum, quod nullis clauditur terminis, Cathegorematicum soli Deo dicatur: Syncathegorematicum creaturæ nullo in Prædicamento repugnat. Naturæ tamen legibus suos unicuique terminos magnitudinis Maximum, parvitatæ Minimum quod sic, transire nefas.*

XV. *Tempus, mensura motus secundum prius, & posterius, in successione futuri ad præteritum formaliter consistens, præsentiam non in parte, sed in instanti habet, ita ut sit Nunc variabiliter fluens, sicut æternitas est Nunc invariabiliter stans: Quo fluxu corporum permanentiam, & motus propriè mensurat, nam Dei durationem æternitas, Angelorum ævum, eorumque operationes aliud à nostro spirituale tempus metitur. Ab instantibus autem ipsum copulantibus non rari Inceptionis, Desitionisque termini dependent.*

XV. *Locus extrinsecus, five Mathematicus non Ubi, non Spatium imaginarium extrinsecum, nec reale cum locato penetratum, sed superficies concava corporis ambientis est, non ad rationem, sed ad identitatem loci essentialiter immobilis: Intrinsecus autem est ipsa præsentia passiva locati, quæ dicitur Ubi. Mathematico superaddit naturalis qualitatem locati conservativam. In utrisque sunt actu omnia corpora, sed ultima Sphæra per accidens, & in potentia ratione partium, quæ non contiguit, ut ad locationem requiritur, sed continuit sunt. In hoc autem, etiam duo corpora supernaturaliter locari liceat, pluribus tamen locis unum circumferenti corpus repugnat; Sicut & privativum dari Vacuum quacunque creata virtute in ea quantitate, quæ sit naturæ violenta; eo tamen dato, non implicat illic motus successivus. At minima vacare Spatiola, ad salvandos naturæ motus, omnino probabile.*

22
 XVII. Indivisibilia realia in continuo tam copulativa, quàm terminativa non sunt res à partibus distinctæ, sed earum extremitates: non tamen ex solis Indivisibilibus constat Continuum, sed partibus, & Aliquotis simpliciter finitis, & proportionalibus actu quidem finitis, potentia verò, seu mathematicè infinitis.

LAUS DEO, BEATÆQUE VIRGINI MARIE.



Disputabuntur publicè in Ecclesia S. MARIE
 AD RICCIOS Scholarum Piarum Mense
 Septembris, Die Hora.

